

**Kapucin ar C'ham.****Capucun ar C'ham.**

Habitantet Lanhuan a c'houi Kerapontis  
 Sellaouet aman parlant eus o ker eur bourhis  
 Voa oajet a c'houezek vloa dre eur (s)peret fragil  
 Ha vel deus ar mab prodig a kuita e famill.

An habid a kapucun goude tri blos studi  
 A gomeris en Kemper erve ma fantazi.  
 Bean a voen-me neuze var dro tri mis serment  
 Dija e chonjen beza memeus gwir veritant.

Med allas dre ma orgouill deus a Adam evel  
 E deuis prest da goean a da goeau izel  
 Koean a ris en eur ghir, etre daouern Satan  
 Chenj a eure ma c'halon en eur galon ouarn.

Chenj a eure ma ferveur ne ran mui orezon,  
 kuitat a ran an habid a donet dam c'hanton.  
 Arri en touez va c'heren(t) a kouitet ar gouant  
 Me a voel ar finesse demeus an aerouan.

Ober a ris va fossub mar keret ma kredi  
 Er klasq galloud da Satan arc'hant an n'oteri  
 Mes allas ar chadeno a zo dir a c'houarn  
 Ne allan en eb feçon, me lar, teri unan.

Na mar keret ma c'hredi em c'huzuil adare  
 Ewouit mond d'an inizi pe dan douar newe.  
 En Brest e neum ambarkis ewit an inizi  
 Chetu kondu ar c'hloarec goude kalz a studi.

Achuet ganem om beach a dizarmet om lestr,  
 Eur c'hlenvet kontajius a disolas ker Brest.  
 Ne voelit dre ar ruio nemet tud langissant  
 Tado, mamo o verwel eb receo sakrament.

Ma c'halon zo dija feb, me a kred e ranno  
 O woelet ma c'honsortet en goele ar maro  
 Eus o c'hlevet e c'houlenn digant an oll pardon  
 Digant Jezus da guenta deus a kreis o c'halon.

Ma ve red din diskleria penn-da-benn ma mizer  
 Ne ve ked din suffisant eun anter min paper  
 Med aont do annuyan me a retorn d'ar gher,  
 Kaet a ran relachet en Perros eur c'hourser.

Dond a ris da renkontri ar c'hentan Lutanant  
 Ma engagin a eure, recev a ris arc'hant  
 O chonjal ober captur gaillard joaus ha ie  
 E deuchomp da abordi douaro greneze.

Be a voam eun pemzek de var an dour o vogan  
 Pa chonjas om c'habitent a donnet dom livran  
 Etre daouern ar Sozon ewit kaouet arc'hant  
 Da roulan dre an tavarnio a da voelet merc'het koant.

Ha setu ni ta gwerzet gant Judas eb reson  
 Dalc'het tri bla ha tri mis kaptif en eur prison  
 Mèd allas demeus ar lampr an ioul a zo uzet  
 En defot a nouritur or c'halono serret.

Ebars ben tri mis dar goude dre eur sabat perien  
 E voue dime kommandet doughen ar soudanen  
 Surpilis bone(d) karre ag ive cinturen  
 Da vond en theoloji en toues an abbadien.

Abbadien a kloer iaouank a eskopti Treguer  
 Setu ni ta recevet wouit antren er c'hartier.

Retorn a ra en effet a ben eur bla goude  
 accompagnet eur Gascon goud a red o douare  
 Pere klaskas moyenno evit dont  
 Dam privan deus ar c'hartier hag demeus an urzo.

A ni prest da finissa a da recev urzo  
 Pa digassa a Baris Royal dim lizero  
 Voar pere a voa skrivet rei dim oll konje  
 Na ken a viche sacret en presenç ar Roue.

Neuze me deui do goelet do goelet Tregueris  
 Ag o kraio beleien entro pem pe c'houec'h mis.

Goude eur blawes (theo)logi prest da c'hantren er c'hartier  
 Med unan deus va c'heren(t) a kreskas ma miser  
 Larat a ra en publik dre eur speret lijer  
 E voan bet espen tri bлоa en bro-soz prizonnier.

An habit a Kapuçun o c'heus tri mis doughet  
 C'houec'h bla oc'h bed er prison a c'houec'h blaz navighet  
 Dond a ris me da sellaou mes gant kals a eston  
 Deus ma fragilité e meus gouennet pardon.

Gwir ê ar pes a laret, mes no c'heus ked a rezon  
 dam privan deus ar chartier certen en eb feson  
 (1)

Mes pa oc'h etablisset warnon supérieur  
 Me promet ag a assur rei merk deus ma malheur.

Arri gant eun tregon(t) vloa e c'he poent choas etat  
 Tregueris, Lanhounis, me a ia do kouitat  
 Nag a ia da posturi da c'houant Sant Frances  
 Seiz leo deuz Lanhoun er gher a Vontroulez.

Ar c'hoezved a vis ere e ris profession  
 Demeus a urz Sant Frances eur joa vrás em c'halon  
 A me prosternet dan daoulin en presenç an tadou  
 Renonç a ris da Satan dar bed ha de fompo.

Habitantet Lanhoun a c'houi Kerapontis  
 Ma a chonj ac'hanoc'h ebars em sacrific

A rag ce en o pedan pa reffet orezon  
Da kaet chonj ac'hanon dirag Roue an tron.

*Au f. 25, ne se trouve que le titre suivant, écrit au crayon :*

*Kapucin ar C'ham.*

*Les espaces laissés en blanc existent dans le ms Penguern*

*(1) Deus ma frajilite a c'houlenan me pardon : vers barré et  
remplacé par « dam privan ... en eb feson » écrit dans l'interligne supérieur.*